

富司純原著

完人之範



完

人

之

範

1220

信仰的意義

富司迪著
胡貽穀譯

解釋信仰與人生之關係警關合理發
人深省為現代論信仰意義之佳構
布面精裝每冊實價大洋一元

服務的意義

富司迪著
胡貽穀等譯

根據基督的服務主義詳論基督徒生
活對於現社會之實際效用內容豐富
發揮透闢為切合今社會應用之唯一
傑作
半布面精裝每冊實價大洋八角
全布面精裝每冊實價大洋六角

祈禱發微

富司迪著
謝乃壬等譯

闡明祈禱之真諦詳解靈交之原理思
想新穎文字雅潔可供靈修之用亦可
應團體研究之需
布面精裝每冊實
價大洋六角半

基督與社會改造

霍德進著
曾約農譯

摘取聖經所載基督言行與改造社會
之真諦相關聯者逐日研究一節共計
十週並附各種問題任讀者自行答覆
頗足闡明基督改造社會之原理
布面精裝每冊實價大洋六角

民國六年十二月初版刊行
民國十四年四月八版重訂

完人之範一冊

原著者 富司迪

譯文者 謝乃壬

校訂者 青年協會書報部

刊行者 青年協會書報部

發行者 青年協會書局

上海博物院路二十號

每冊實價大洋六角

完人之範序

輓近人格人格之呼聲徧國中矣。究之何謂人格。吾人何爲而必盡人格。是二義者。恐隨聲附和者之未必徹底明晰也。今夫人之爲人。中天地而立。其靈性上同乎帝天。其形體則下儕於動物。蓋創造者生。是使獨以別異於宇宙之中。而令爲人間世之主者也。故神者。其高無上物者。其下無底。而此神與物之中間。有人以位置焉。承天之化。而治理萬物。由是而上達不已。則幾於神矣。由是而下流無極。則未免其爲物。乃獸乃禽是也。記有之曰。『人生而靜。天之性也。感於物而動。性之欲也。物至知知而後好惡形焉。好惡無節於內。知誘於外。不能反躬。天理滅矣。夫物之感人。無窮而人之好惡無節。則是物至而人化。物也。人化物焉者。滅天理而窮人欲也。』然則人格者。能反躬而本於天。不隨誘而化於物。如是而已。今古之說。抑豈有殊異哉。

既識人格。卽知吾人不能不盡人格者。爲吾人之自命。爲人也。人之一字。爲最尊貴之名。辭故曰。『天地之性。人爲貴。』又曰。『人爲萬物之靈。』吾而不盡吾之人格。卽不啻自絕其天地之性。而暴棄夫人靈。非惟無以自對其秉彝。亦何以對賦畀於我之造物主。子

與氏不云乎『人之所以異於禽獸者幾希』幾希何在在爭此人格之一點已耳夫以獸名目人則人必狂怒以獸行導人而人且樂從之者嚴其防於昭昭之地可以明羞惡之天良未忘隱其德於隱闇之中可以識幾希之界限易逾也嗟乎人誰欲不爲人而不以盡人格爲其一生程限之標準則烏能名副其實歟

我國古人其知之矣余讀儒先之書其千言萬語無非欲人之學聖人其言曰『聖人倫之至也』古所謂人倫之至者即今所謂人格之至也其可以代表此人格者曰堯舜曰周孔歷代學者必以此自勉觀顏子『舜何人也予何人也有爲者亦若是』之說孟子復從而發明之曰『舜人也予亦人也舜爲法於天下可傳於後世吾獨未免爲鄉人也是則可憂也憂之如何如舜而已矣』云云可以見之矣自孟子以前多言學堯舜自孟子而後多言學周孔宋元明儒則獨崇孔子是我國古人其於人格之進行而願得先代之完人若堯舜周孔者以爲之模範其苦心孤詣與其奮勵爲『人』爭光者有足多矣惜乎未造其極也

造極奈何則欲求完人之真範必與耶穌基督是矣蓋基督之降世卽爲表示人格而來

故嘗自稱曰『人』之子。其性情。其思想。其言動。舉止無一不足爲人格之正。則福音書所記載。吾人果能企慕而效法。如古人之見堯於羹。見舜於牆。周情孔思。念茲在茲者。則其人格必能日臻完全之域。上通帝謂而下。亦永不虞其墮落焉。且堯舜周孔。人而人也。耶穌基督。神而人也。我人曩者。摘埴索塗。姑取夫人而人者。以從之。今者荆棘旣芟。康莊坦然。神而人之基督。方將執予之裾。以共行於蕩蕩焉。向上之天衢。是真涉人格之峯而躋其巔也。

美國富司迪君著完人之範一書。取基督一生而摹寫之。共分十二章。讀者於此。可以得一完全之基督。以儲之於腦。卽不難得一完全之人。以體之於身。夫而後。肖貌基督。卽肖貌完人人格之立。將不期然而然矣。天貺謝君譯而傳之。文字清潔。尤足引人入勝。排印旣竟。遂不辭而弁其首。民國六年十二月。詠誨范禕書。



原序

是書非述基督之生平。亦非研究其教理。不過就其人格之本質。力事發揮。使人豁然曉悟。油然而起敬而已。雖其一生彰著之事蹟。不無間有撫探。然人格之精神。實憑事業而活現。故不能不通其事以測其靈也。雖其教訓中重要之原理。不無間有敘述。然必存其人斯來其理。故不能不酌記其一二。以闡明其品質也。又是書亦非爲基督教會中之神理。與以補助。實欲徹知千數百年來之基督觀。而旌顯彼在福音書中之生活爲何若。使世人恍然悟之也。著者此意。自知有利亦有不利。其關於基督一生。與其教理中所有一切疑案。可以置之不問。爲專事研究品性者。省卻不少困煩。厥利一也。舉其人格之大要。提綱挈領。俾人一目瞭然。不致爲瑣碎煩細之枝節所惘恍。厥利二也。卽關於福音之時日與組成諸問題。當亦不至十分困難。以福音之背面。胥以品性言行爲其大本。而此書則專將此等根本問題。撫拾論列。故於人綦便。厥利三也。

反之。凡評騭基督之人格。與評騭它人同。不得不立於主觀者之地位。所鑒別者。必於其

間雜有己心之色彩。此一難關。縱福音書之著者。亦未能脫淨。然世有秉獨立之思想。與敬虔之存心。以研究基督者。對於著者之謹慎評斷。務傳其真。其或亦踴之乎。則是書所論。未始無補也。

是書每章。析爲兩部。一曰日課。一曰總註。蓋謀爲晨禱會。讀經會之試用。書中經文之採錄。均選與新約中卓犖之章句。而爲基督品性之所寓者。按週分列。俾便循誦。日註一項。各應其經訓。分別詮註。與其謂之云智識上之解釋。毋寧謂之曰暗示對照。而起人敬虔之心也。總註一門。廣羅詳述。讀者苟能於經文之參考。及著者之論斷。批導。窅卻。灸轂。觀摩。當能深獲其裨益。而飽感其真價也。

是書爲個人熱心研究者。諷讀之用。亦爲查經會參考之用。苟用之而深得利便也。斯固著者之所馨香禱祝者也。

完人之範

目錄

第一章

耶穌之樂

第二章

耶穌之寬大

第三章

耶穌之怒

第四章

耶穌之忠

第五章

耶穌之忍耐

第六章

耶穌之誠

第七章

耶穌之克己

第八章

耶穌之勇

第九章

耶穌之愛

第十章

耶穌之標準

第十一章 耶穌之精神

第十二章 耶穌之完備

完人之範圍

耶穌之完備

第一章

耶穌之完備

第二章

耶穌之完備

第三章

耶穌之完備

第四章

耶穌之完備

第五章

耶穌之完備

第六章

耶穌之完備

第七章

耶穌之完備

目錄

完人之範圍

完人之範

第一章 耶穌之樂

按日讀課

第一週 第一日

馬太九章十節至十五節

耶穌在室與諸弟子共進食稅吏與罪人入焉共席而坐法利賽人（當

時猶太宗派之一專重虛禮繁文拘守舊律者）見之謂諸弟子曰夫子奚爲與稅吏罪犯共殮而食乎耶穌聞之曰健康之人奚以醫爲唯患病者乃需醫耳經有之予愛慈悲不愛享祀爾曹其三復斯言吾之來也非召義人召罪人也

有約翰之徒來就耶穌而問曰吾儕與法利賽人必禁食以爲常夫子之高弟子不爲者何也耶穌曰新郎與伴郎居伴郎寧能哀乎然時日且至新郎將與伴郎別伴郎必且禁食

吾人心目中之「基督是否憂苦犧牲」之基督乎則盍就此日課而三致意焉基督無時不自樂無時不與其左右救人之難濟人之急而其從事之時怡悅之情直如新婚宴爾之良人瑟琴好合和樂且耽其諸弟子則有似新郎之扈從者即在遭害之秋楚歌四面

此心。奕奕。依然。樂道。忘憂。其言曰。『是日也。宜大悅。不知手之舞。足之蹈。』保羅亦有曰。『聖靈之實。有二曰愛。曰樂。曰平和。』吾人試撫膺自問。能保於一生之中。以真誠愉快之情。與我基督耶穌。締永久之友誼。也不耶。

第一週 第二日

馬太九章二節

有昇癱瘋之人來就耶穌者。耶穌語癱瘋者曰。爾安心。爾罪免矣。小子。

約翰十六章三十三節

勿憂懼。吾已戰勝世界矣。

吾所以諄諄詔爾曹者。爲使爾曹得平安於我之心也。爾曹在世必遭苦難。然

使徒行傳二十三章十一節

我作證於耶路撒冷。亦必能爲我作證於羅馬也。

是夕耶穌佇於保羅之側。呼保羅而語之曰。保羅好自爲之。汝既能爲

「好自爲之」一語。基督所雅言也。吾人盍平心思之。能晉吾人於幸福之疆者。誰之力耶。能助吾人戰勝周圍之境遇者。誰之力耶。能使吾人一生營極有價值之生涯者。又誰之力耶。是皆「好自爲之」之心。有以成之也。諺有之。『憂苦挫神。嘉言悅心。』漢斯頓之某新聞紙某日。曾有記事一則曰。『今日陰雨淒其。萬物闇澹。但腓力卜路克一過新聞

街。則。如。大。地。皆。春。氣。清。天。朗。」吾人自問。果能秉如此態度。以宣揚基督之福音者乎。福音者。幸福之音信也。

第一週 第二日

馬太六章二十八節

爾曹奚以衣服是憂。爲曾不思田原之百合花。何以生。何以長。耶是曷嘗辛

勞。又曷嘗紡織者。吾語爾曹所門羅

(古以色列國之王) 當全盛時代。其冠裳袞服。猶不逮百合花於萬一也。

約翰十五章三十五節

舍身爲友愛之大蔑。逾於此。爾曹循我言奉以周旋。則我之友也。而今而

後。我且不僕爾曹。以僕不知主所行者也。吾以友呼爾曹。以吾凡聞諸吾父者。咸已傳諸爾曹也。

約翰二章首二節

其第三日。迦利利迦拿之邑。有合登之宴。耶穌之母在焉。耶穌與諸弟子均應邀赴

席

察其人之嗜好。亦足以判其人之品性。所謂真樂者。果何物耶。耶穌之樂。厥有三端。曰自然。曰友情。曰社交。吾人亦宜若是。耶穌好健康。故其生涯之泰半。爲療人之疾。耶穌好讀書。故熟習於預言之記。凡彼之所好。胥爲健全而高尚者。吾人於基督之嗜好。固勿深溯其宗教之源。只自扣其心曰。「吾將何處以求吾之幸福乎。」苟能證此問也。夫亦可矣。

第一週 第四日

路加十五章三節至十節

耶穌執喻以語人曰有人於此牧百羊忽亡其一其有不離此九十九而奔求其亡羊以至務獲而止耶一旦得之則大喜負之而返徧請友鄰來忻忻然以告之曰我昔喪羊今已珠還矣諸子聞之必且與我同樂焉今吾特語爾曹一罪人能懺悔在天之樂亦如重得亡羊較之得九十九善人之不庸懺悔者其樂爲尤大也設有婦貯十金偶喪其一則必燃其燈潔其室嚴以索之不得不止得之則大喜請友鄰至而忻忻以告之曰我昔亡金今已珠還諸子聞之必且與我同樂焉今吾語爾曹有一罪人懺悔吾人喜躍於帝使之前亦若是矣

世之青年男女其初也莫不求喜樂於己^{△△△}有所得其終也則知中心之滿足在爲人而不^{△△△}在爲己人不望汝之善遇而汝獨能善遇之此等親摯之行汝有之乎生平曾樹一善^{△△△}憧於記憶之中深自快慰者汝有之乎耶穌心中之真樂在能知人之有所失或欲有所得者而補之濟之以悅其心也喜樂之泉源源無盡不論何人不論何時均得汲而用之而世人之能求此寶藏者曾有幾人可慨也夫

第一週 第五日

馬太十三章四十四節

天國猶寶地也有見之輒大悅則墜不以告欣然歸盡賣其所有而來買此地

馬太二十五章二十一二十三節

主人曰善汝忠且良汝於數事成謀之至臧予將任汝以多事汝

今來前與汝主人同樂其領二千金者亦來謂主人曰主昔以二千金畀我我今爲主經營得倍惟主鑒之主人又曰善汝忠且良汝於數事成謀之至臧予將任汝以多事汝今來前與汝主人同樂

棄一時之歡樂以努力於人格之建設者吾人安能不自驚犧牲之極大者耶耶穌於此已熟權其大小輕重矣犧牲愈大人格愈高其所以犧牲者卽其所以建設也良心上天帝之讚美征服道德上之敵之滿足可以爲今後戰鬪之預備之實力愛我之良朋之獎勵爲人服務之才能之充實臚列以數之當知所收穫之利益千百倍蓰於所犧牲者也然則此等犧牲之行不宜踴躍爲之耶行惡事而得真固永久之樂者未之有也

第一週 第六日

馬太五章三至十二節

福哉虛心人其有天國者乎福哉哀痛人其將受安慰乎福哉溫和人其必承

襲此世乎福哉爲義如渴者其必常得滿足乎福哉憫人之人其亦且受人之恤乎福哉潔白乃心者其必明見上帝者乎福哉使人和睦之人其必蒙上帝驕子之寵稱乎福哉爲我遇害者其有天國矣乎世人有以我之故

而辱罵爾曹逼迫爾曹或至飾捏妄言以誣衊爾曹則爾曹必蒙大福以爾曹在天必膺大賚也伊古諸先知亦遭世人之侮虐如是

凡說教讚頌之書每至耶穌被迫之處輒多歔歔扼腕之辭殊不知耶穌固自以爲一生幸福未嘗有所窘苦也夫耶穌之樂其滾滾之源泉果何在耶對於天帝之信賴一也對於未來無窮之希望二也體會神意而實行之之自覺三也知其言行爲神所嘉許之意識四也勤懇爲人勞作永矢勿懈之才智五也之五者曾有一不克適用於汝等之身耶儻能終身行之曾有不深受其福者耶

第一週 第七日

約翰十五章十一節

然杭充也

凡茲數事吾已語爾曹詳矣亦無非欲爾曹心中永葆吾之樂且使爾曹之樂溢

約翰十六章二十二節

之以去也

爾曹今日亦陷於愁城特吾須與爾曹重覲面爾曹必陶陶以樂不再爲人奪

約翰十七章十三節

吾今且往若處吾所以宣此言於世者蓋欲使世人有吾之樂洋溢乎其五內也